

四庫全書

集部

欽定四庫全書

集部

新安文獻志卷五十一

五至

詳校官中書_臣孫衡

侍讀_臣孫球覆勘

總校官庶吉士_臣倉聖脉

校對官中書_臣吳甸華

謄錄監生_臣吳炳文

欽定四庫全書

新安文獻志卷五十一上

明

程敏政

撰

古詩五言

和崔侍御日用遊開化寺閣

吳少微

左憲多材雄故人
尤鷲鴞護贈單于使
休軺太原郭館
次厭煩歌清懷
尋寂寞西緣十里餘
北上開化閣初入
雲樹間冥濛未
昭廓漸出闌
攄外萬里秋景
焯歲晏風
落山天寒水歸
壑覽物頌幽果
至乘動玄鑰但
敷利解

言不用忘昏著

見文苑英華

查公山詩

查元方

大道貴知止昔賢稱二疏
今來我季方退身茲有餘
瀟灑去桎梏放蕩狎樵漁
疏泉離遠竇鑿石構層廬
禽拂憲牖山花滿庭除寒
藤繫舴艋碧潭澄素舒
覩茲塵壒外始見仁智居
痛哉方散適溘然歸丘墟
恨不同老彭其樂永只且
自古干祿輩知進不知退
立事名雖揚全身理何昧
茂先賦鶴鷁體物知顯晦
一旦禍自速臨

刑無以對李斯戀富貴下包周身智及憶東門犬已棄

咸陽市平子著歸田淵明舍彭澤後來區區人誰復挂

書冊我喜從今云吾宗有逋客山號查公山巒嶽雲漢

間山下查公塚溪聲長潺潺高臺好悵望絕磴堪躋攀

他年謝簪紱永此繼閑閑

天聖丙寅歲仲春月姪守監察御史元方題嘗公暇訪

方外景得御史查君詩于山房之僧壁其警句云自古干祿輩知進不知退于三讀之不能己已惜無好事者

傳之人俾士大夫得斯語因鑿石書之嘉祐庚子孟夏二十日朝奉郎高書都官負外郎知歙州婺源縣事兼

兵馬都監上騎都尉賜緋魚袋周頌書

避地函亭野步

汪藻

今日幸無雨，天空出遙岑。行行不知疲，遂至春江浔。
汲露轉籬落，人家在桑陰。平疇漲清波，隴麥如人深。
溝畎戲鳧鷖，新蒲暎浮沉。我生本樵漁，對此諧初心。
風物豈不好，悲來自難任。憶昔邁陽九，四海如驚禽。
黃屋狩萬里，兩宮隔辰參。龍移螻蟻窺，月晦蟾蜍侵。
宇宙有傾覆，茲游豈嶮嶮。銷憂賴濁醪，太息誰能斟。

尚書孫公覲曰
汪公詩律高妙

興寄深遠非近
世詩人所及

次高郵軍

汪藻

小雨靜林麓，鶉鳴相應鳴。
移舟漾清深，薄晚荷氣生。
歸鳥盡雙去，潛魚時一驚。
菰蒲若無人，渺渺炊煙橫。
艇子檝迎我，攜魚薦南烹。
月出殊未高，踈林隱微明。
依投會有處，斗掛天邊城。

送崔閑歸廬山二首

程俱

白露下修竹，當窻作秋聲。
泠然拂商絃，客子中夜驚。
振衣一長嘯，下瀨如飛星。
昔者去草堂，新松蔭軒榮。
別來

今十年霜華著青青想見溜雨姿森蒼舞蛟鯨歸歟當
及健羈栖亦何營

吾友胡少汲結廬皖公城瀟山有小隱背負紫翠屏前
臨一溪水可以濯我纓欲分青山半留我谷口耕信美
非吾鄉翩然遂宵征聞君草堂處亦復占地靈虛簷倚
蒼崖下有玉澗鳴樂哉不可到因君懷友生

山中對酒

程俱

秋容澹青山爽秀雨皆足清溪照千仞空翠疑可掬何

年顧兔窟桂子墮山腹老者散深林屑玉綴黃粟朝來
客衣動一葉下空谷客心如棼絲日月共煩促胷中尚
磊塊陶寫賴新淥要當酒千鍾澆我愁萬斛顧有獨醒
人翛然倚枯木

裴晉公畫像分韻得我字 程 俱

晉公護河東身退勢亦左憂心劇饑渴讜議抗鬼瑣居
朝重九鼎下賊飛一竒淮西彈丸地孺子甚么麼發兵
本無難萬口無一可平淮取淄青如掇掌中果折衝乃

餘事世論豈知我天方厭唐德莫救蕭牆禍空餘丘禱
詩千古幽淚墮

炕寢三十韻

朱弁

風土南北殊習尚非一躅出疆雖仗節入國暫同俗淹
留歲再殘朔雪滿崖谷禦冬貂裘敝一炕且跽伏西山
石為薪黯黯驚射目方熾絕可邇將盡還自續飛飛湧
玄雲燄燄積紅玉稍疑雷出地又似風薄木誰容鼠棲
冰信是龍銜燭陽曦助喘息未害搖空腹惠氣生袴襦

仍工展拳足豈惟脫膚鱗兼復平體粟負暄那用詫執
熱定思沃收功在歲寒較德比時燠雖餘炙手焰寧有
爛額酷刳當凝沍辰炎帝獨回轂玄冥真退聽祝融端
可錄嗟予亦何者萬里歌黃鵠偃仰對憲扉妍暖謝衾
褥壯懷羞竈媚晚悟笑突曲因思墮指人暴露苦皸瘃
頻年未解甲蹈此鋒刃毒遙知革輅中盱食安豆粥陪
臣將命來意懇誠亦篤有奇不能吐何術止南牧君心
想更切臣罪何由贖此身雖自溫此志轉煩促論武貴

止戈天必從人欲安得四海春永作蒼生福聊擬少陵

翁秋風賦茅屋

朱文公曰公於詩酷嗜李義山而詞氣雍容格力閒暇不蹈其險怪奇澁之弊

別百一姪寄念二兄

朱弁

昔我別汝父見汝立扶牀汝今已婚宦我鬚宜俱蒼尙
來青雲器不佩紫羅囊竹林我未孤玉樹汝非常青衫
初一尉遠在子真鄉念將東南歸拜我溱洧傍上能論
道義次猶及文章自慚老仍僻何以相激昂日暮嵩雲
飛秋高塞鴻翔了知還家夢先汝渡江航迢迢建鄴水

高臺下鳳凰。鼻祖有故廬。勿令草樹荒。我欲種松菊。繼
此百年芳。汝歸約吾兄。晚歲同耕桑。請策葛陂龍。來尋
金華羊。

寄題叔父池亭

朱松

一壑久藏勝。數椽忽開亭。方塘蔭瓦影。淨見魴鯉行。主
人有嘉招。轉枕失高城。不知幾搖兀。杙舟上崢嶸。尊酒
酌芳醑。園蔬煮柔青。翩翩射鴨弓。一笑翻彩翎。那知海
陬姪。斗粟忘歸耕。餘生信萍梗。歸夢識林垆。漲水有回

波故鄉豈無情一醉會有日因之濯塵纓

傅氏自得曰
韋齊詩馬遠

幽
潔

有懷舍弟逢年時歸婺源以詩督之

朱松

木落天未霜君歸定何時相思如鷺鷥中宵未安枝
夢中見阿連鏘然詠新詩寤驚衰葉翻謂是步履移攬衣
下中庭風露浩森瀾遙知客衣薄歸來一何遲平生短
檠燈相對忽解頤萬古一舒卷佳處良在茲是中及物

心上與稷契期，援古以自例。自笑無乃癡，夜叉叱九關。
側足不敢窺，坐令一寸心。日抱二柄疑，遲君商畧此。恐
得兒輩嗤，况乃綠髮親。倚門鬢欲絲，拈膏非鳳喙。車轄
庶可脂，再拜壽百分。班衣舞參差，秋芳未云歇。采采黃
金鞋，萬鍾不足樂。古人豈吾欺。

砂溪口望梨山

朱松

衆山如連環，平野忽呀口。孤峯插深雲，氣壓萬培塿。區
區何足傑，落落終自負。我行清溪曲，鶴立倚筇屐。拂衣

竟何時塵土坐自垢長梯弄玉井竒字窺岫嶠心知不
能去照水顏甲厚永懷山中人獨立誰與友神交解此
意長嘯震林阜

休寧村落間有竒石如彈子渦所出者宜養石
菖蒲程德藻許餽我以詩督之

朱松

君家綠溪上岸曲溪成渦渦間石無數水感相蕩磨誰
嘗掬而戲一一印指螺我欲往取之擁此菖蒲窠石罌

注清汲幽姿發清哦夫子許餽我往督書已多願言速

寄與起此泉石疴

尤延之曰韋齋詩凌厲高古有建安七子之風

感事

朱擇

大弓竊陽氏神鼎淪泗淵何須識微士周魯必不全武
庫一朝火斬蛇遂飛煙傷心睨前事氏虜宜紛然

山川非晉土悲泣効楚囚一語強自慰淒迷望神州刺
史下荆水司農來石頭土園管夷吾過計非私憂

元規負康濟徒手嬰羣雄兵從歷陽來無地逃姦鋒誰

乎死社稷千載一下公英風與義氣建立成江東

尤延之曰

此三篇慨然
見經世之志

自作挽歌辭

朱擇

憂幽坐南軒萬壑取我囚疾雷且不聞焉知草蟲愁強
顏理編簡閱世如東流滔滔竟不返誰復操戈矛天涯
念孤姪攜母依諸劉書來話悲辛心往形輒留先塋託
仙峯山僧掃梧楸二女隨母住外翁今白頭伯氏尚書
郎名字騰九州仲兄中武舉氣欲無羌酋棣華一朝集

荆樹三枝稠堂堂相繼去遺我歸山丘漆園夢方覺白
夜雲正浮憑陵若蹈空何處停華輶故鄉豈不懷屋食

良易謀自我識廢興於天無怨尤平生喜聞詩此詩當

挽謳不須生芻奠吾從二凡游

尤延之曰此篇直欲友
淵明於千載至所謂自

我識興廢於天無怨尤
非深於道者能如是乎

至日

自序云頃以多言害道絕不作詩兩日讀
大學誠意有感至日之朝起書此以自箴

蓋不得已
而有言云

朱熹

神心洞玄鑒好惡審薰蕕云何反自誑閔默還包蓋今

辰仲冬節寤嘆得隱憂心知一寸光豈彼重泉幽朋來
自茲始羣陰邈難留行速亦已遠及此旋吾輶

淳熙戊戌七月廿九日早發潭溪西登雲谷取
道芹溪友人丘子野留宿因題芹溪小隱以貽
之作此以紀其事

朱熹

我來屏山下奔走倦僮僕亭亭日已中冠巾濕如沐訪
我芹溪翁解裝留憩宿茗椀淪甘寒溫泉試新浴抖擻
神氣清散步搢筇竹蘆峯在瞻望隱隱見雲谷頓覺塵

慮空豁然洗心目君居硯山西高隱志不俗憲几列琴
書庭臯富花木往來數相過主賓情意熟開尊酌香醪
馨歎話衷曲從容出妙句滿幅粲珠玉邀約登赫曦襟
期伴幽獨茲遊得良朋道義推前夙字為留題深愧
毛錐秃

山北紀行十二章章八句 朱熹

祗役廬山陽矯首廬山陰雲峯不可覲碧澗何由尋昨
朝解印章結友同窺臨盡彼巖壑勝滿茲仁知心

子以閏月

二十七日罷郡是夕出城宿羅漢二十八日宿白鹿二十九日登黃雲觀度三峽窺玉淵憇西澗飲西原宿卧龍四月一日過開先宿歸宗二日浴湯泉入康王谷觀水簾宿景德觀三日與清江劉清之子澄永嘉張揚卿清叟尋陽王阮南卿周願龜父長樂林用中擇之洛陽趙希漢南紀會稽陳祖永慶長武當祁真卿師忠溫陵吳兼善仲達廬陵許子春景陽新安胡莘尹仲建安王朝春卿長樂余隅占之陳士直彥忠黃榦季直臨淮張彥先致遠會稽僧志南明老俱行

窺臨事若何請從圓通說透迤山門

路峭蒨修篁列溪仍侯家名屋是孱王設何救忝離歌

喟焉傷覆轍

圓通寺地名侯溪本侯氏所居李後主取以為寺無它奇但門徑竹木深茂可觀爾

行逢石門雨解駮寒澗東朝躋錦繡谷俯仰春冥濛懸

泉忽琮瑋雜樹紛青紅屢憇小亭古幽探思無窮

石門
澗正

在天池山下有小巷三四是夕宿所謂廣福菴者來日
登山道錦繡谷再遇小橋橋背有亭下又有亭基二小

亭一竦身長林端策足層崖表仰瞻空界闊俯歎塵寰小

天池西嶽峯佛手東窈窕杖屨往復來憑軒瞰歸鳥

盡
錦

繡谷登山稍高無復林木坡陀而上至天池院在小峯
絕頂乃有石池泉水不竭東過佛手巖石室嵌空中有
井泉僧緣崖結架以居下臨錦
繡谷又有石榻名達公講經臺斯須暮雲合白日無餘

暉金波從地湧寶燄穿林飛僧言自雄誇俗駭無因依

安知本地靈發見隨天機

天池院西數步有小佛閣下
臨絕壑是遊人請燈處僧云

燈非禱不見是日不禱而光景明滅頃刻異狀諸生或疑其妄予謂僧言則妄而此光不可誣豈地氣之感而然邪深尋兩林間清波貫華屋蓮社有遺蹤草堂非舊築

脩廊餘故刻好醜雜珎玉亦復記經行深慙後人讀

五日

下山至東西林兩寺相去不百步一溪清駛橫貫其間皆自方丈前廊廡下過他處所無有也白蓮池在東林法堂前白公草堂基在寺東久廢近歲復剏數椽制殊狹陋然亦非其正處矣是日題名屬寺僧刻於咸通莊

田記

行軒復東鶩祠城當晚遊胡然冠蓋集不盡心期

幽夜厭百谷喧旦失千峯稠出門有遺恨回首空綢繆

晚至太平興國宮唐九天使者祠也江州教授翁名卿載酒載與鄉人游應和歐景文及其諸生二十餘人皆

至山水誠乃奇云誰究終始曇遠亦何人神君豈其鬼

東西妄采獲誣諂共恢詭百世踵謬訛彞倫日頽圯

東林

慧遠雜取孔老之言以附佛學嘗著沙門不敬王者論
唐明皇自言親見使者降於殿庭因立此官而羣臣造
為妖妄以迎合者甚衆本朝
仍賜官額神號置提舉官云以茲遊覽富翻令懷抱傷

誰哉可告語舉俗昏且狂乾坤有貞心日月垂休光茫

茫宇宙內此柄孰主張北度石塘橋西訪瀛溪宅喬木

無遺株虛堂唯四壁竦瞻德容睟跪薦寒流碧幸矣有

斯人渾淪再開闢平生勞仰止今日登此堂願以圖象

意質之中几傍先生寂無言賤子涕泗滂神聽儻不遺

惠我思無疆

六日拜漁溪先生書堂遺像子澄請為諸人說太極圖義先生之曾孫正卿考卿玄

孫濤為設食于先風霽月之亭

明晨江磯寺尊酒聊對設孰是十日遊

遽成千里別英僚樹嘉政素友厲孤節努力莫相忘清

宵共明月

七日薛洪持志王仲傑之才携酒自南康來飲罷與張陳趙南還軍子澄許張歸廬陵南

卿龜父還家擇之之湖南子與王余陳黃東浚湖口而歸

梁寺丞見示過嶺新作

羅 願

凌晨登鬱孤南走韶陽道封疆有申畫山川本懷抱公

行度塞嶺殘雪故未掃高情無南北反謂茲山小頃來
我嘗遊亦覺山媚好前賢困遠謫我輩得幽討兩崖瞻
欲眩數樹攀且繞想公哦新詩千騎轉林杪衙官候顏
色約束軍聲悄韶陽古名郡四十專城早重華已千歲
蒼石在雲表魚龍舞幽壑遺韻蓋可攷以茲供撫玩或
可薦壽考公餘亦時飲未用絕芳醪行行布恩惠正直
神所保

題騎牛圖

元序云陳仲舉賢良熙寧中言新法
不便謫南康酒稅羨兩黃犢時與劉

欽定四庫全書

新安文獻志
卷五十一上

三

擬之跨之遊廬山李伯
時繪為圖今藏其家

吳儆

汗血聲利場舉世循一軌霜風老巖棘松路石齒齒牛
瘦僕夫疲累累山谷裏兩翁非病狂顧獨不取彼牛背
有佳處未可語俗子夷齊向千載凜凜有生氣試問齊
景公烏用馬千匹

早起

吳儆

積雨霽窮秋柴局立清曉溪光照煙岫未覺秋容老溪
邊烏臼林他日沒飛鳥濃綠半枯枝殷紅亂衰草搖落

想騷人洞庭風嫋嫋

劉寺簿暇日出郊按視貢院安養院漏澤園南
教場飯于花藥寺用韋蘇州韻賦詩

程 洵

史君抱孤韻勝日成獨遊聊循七里郭一賞千林秋射
圃既徘徊澤宮重咨疇孰生病我療孰死骨我收遐觀
興未窮小憇山更幽昔人事登覽不憚道里悠而我縛
微官抗塵苦淹留何當奉杖屨崇論排田騶

王雙溪曰
允夫詩文

理勝而詞采附之
澗鍊蘊括俱不苟作

與孫自修祝和甫讀宛陵山谷詩

程永奇

孫君出宛陵梅詩獨不喜祝黃世通家於此更訾毀暇
日扣我門相與求正始敢述過庭聞用告二三子節拍
貴詳緩言語戒浮靡無因內金盤遂厭古鼎洗無惑變
徵聲雅樂成逆耳譬如學書人牽率宗二朱一觀跡義
帖棄走却千里九方相神駿肯與驪黃齒紛紛裨官說

而昧洙泗理世事難具陳豈必在文士不鼓無成虧吾

欲師昭氏

按孫自修寧國人從學朱子有語錄祝和甫名穆文公內姪其先世從黃公魯直游見遺

事

村行

王炎

青山護村落暗水通溝池人行木叢間漫漫迷所之里
社壓新醪擊鮮賽叢祠田父相勞苦雨暘無失時龍骨
挂屋角秋熟可預期行行度岡澗泉石多幽竒微風發
清籟好鳥吟高枝此中有佳趣豈無幽人知去住兩不

可空吟招隱詩

秋懷東陳巽叔徐伯老三首 王炎

西風脫數葉木末秋有聲團扇內篋中肅肅庭戶清公
退頗無事解衣坐東榮本乏霄漢心未斷丘壑情日月
不肯留奪我雙鬢青陳編堪解頤涼夜親短檠

涼風挾秋回蒲柳青欲黃桂樹枝相膠采采含幽芳清
香美無瑕坐憂露為霜志士有所懷後時多慨慷

西南天漢流蟋蟀鳴露草黃鵠垂其翼坐看歲年老寸

陰輕尺璧進德恨不早百圍飽風霜踴躍何足道

白鹿洞

方岳

茲山信雄深鍾梵上雲雨微吾紫陽翁幾何不豪取有
來青牛車肯作白鹿主詩書衣被之一變至鄒魯唐虞
際淳熙此道日方午澗聲撼皇墳山翠濕章甫紛其四
方人會此共談塵岳也互鄉童履二不及戶却後七十
年空堂凜遺矩四書在乾坤六老自今古昭回雲漢光
不隔天尺五厥惟貂續難慎勿小吾土

田制

方岳

井田變阡陌萬世以罪秦商君信苛刻不過民自民漢
名反秦火當與三代隣今年田欲方明年田欲均寧知
古井田不為賦稅湮百畝官所予無甚富與貧從來經
界法要使風俗淳豈為橫江網竭不遺一鱗乃知三代
時官與民為春秦民自生生官不與笑輦孰云漢田制
顧不如秦仁秦姑置勿問漢已倚撫信誰其起鄒叟重
與畢戰陳

武康澄道寺前溪上觀魚

錢時

山溪清徹底，暎日浮脩鱗。人間湯鼎烹，見此一掬春。倚杖為欣然，長淮浩無垠。寄語溪上翁，可以觀吾仁。

璜源宗人珏壽慶樓

吳浩

吾宗培世德，盛事哀一門。仰顏有壽母，俛目見子孫。平生青雲器，威鳳宜孤鶩。脫然舍榮爵，回車息深村。服勤養堂中，身已大父尊。戲綵時趨庭，奉輿日涉園。所至疇接武，顧見貽厥繁。今年結高樓，長少數憑軒。羣星環婺

女列象如可捫雲傍檐楹飛山隣窻几蹲往來烏鵲喜
迴互竹木蕃良辰風日佳客與同芳樽循陔度雅樂清
響聞天闕男兒貴恢豁樓記聆緒言穀共里人飽書從
寒士繙善源深復深河流出崑崙吾頌殊未艾玄來更

瑤琨

秋懷五首

孫嵩

秋蟲日以喧秋樹日以踈君聽草根蛩泣弔風中梧壯
士秋懷涕及此清霜初

從來感秋人一例皆楚聲吾聞古燕趙慷慨多不平惜
哉宋玉辭不使荆軻聽

何處秋聲多竹外聲歷歷淒切不禁寒蕭蕭舊時碧此
中白髮愁餉與秋風客

疇昔旅江湖夜夜南飛鴈山園柿栗秋出戶望河漢祇
今寒鴈時中夕起三嘆

黃山秋雕鏤風露洗崖峩行行聽清猿處處采靈藥秋
雲老石牀已後十年約

冬夜雜興五首

孫嵩

今晨霜露肅愛此羣山秋芳菲者何樹乃是丹楓稠草
花無名字正類黃菊幽一筇步澗阿聊復舒我眸鴈聲
一何高渺渺關山愁林間有橡栗歲晚行可收

牧童與樵叟共載牛背歸我無薪蒸計南山松櫟稀寒
風昨日至須用葺我扉破扉故可葺何以完我衣人生
有定分勿怪生理微

鐘聲煙外寺報我明朝霜籬落暝雀驚原野昏鷓鴣杖

策歸茅茨偶一歌慨慷千載有我輩感念行斜陽

齋中乃無紙柿葉平籬根稍取書點畫帶此朝露痕識
字有何補隨爾憂患繁姓名縱不記適有古意存惜哉
結繩後事始於乾坤先生晚始悟無術鳩田園

秋晚種麩麥覆塊青茸茸茲物乃畏濕溝作棋道通江
南地力瘠百穀勞農工抗稊蓄塋上麩麥藏溝中從今
防蹂噬早晚觀麥叢須縱牛羊食勿信東坡翁吾詩乃

農譜亦著江南風

方虛谷曰元京詩有近陶者有似二
謝者有似元次山孟東野者清勁枯

淡整屣幽遠五言古體如秋懷感興及冬初雜興諸作
近世詩人所不能為不謂吾州近有此人持是以見朱
文公可
無愧矣

去冬過石潭上時吳義夫同行欣然謂予曰詩
境甚佳今日再遊有作將寄義夫

孫巖

長潭有令安山綠納空洞軒軒吳武陵曾此接飛鞚殷
勤顧我笑詩材不勝用重來春事深物采尤錯綜褚小
強懷大秀異肯受控沈吟日已昃十穀纔一中故人抱

才藻衆象入嘲弄即今溫水館匡坐教絃誦嗟哉實前
語東華代未棟明當寄東風煙水發清夢

留武林

孫巖

訪客城南隅故第何其雄曲池猶養濟土山尚龍從頗
聞此中人易姓良忽忽往時恩澤侯意氣干晴虹樂凶
播秦城衣制聞漢宮恨不逢季倫詎肯交毛公斥地西
隣去伐木南山空百楹一傳舍顧極當年工悠悠感成
敗何獨操鏹翁

德藝有貴賤

孫巖

調弓遣猿悲削鋸奪神造伊人天分高甘以一事老奈
何握寸穎特自矜粉藻沈約僅如奴子建何足道率爾
為一快公論日杲杲德藝有貴賤君子廓懷抱

冬至寓建陽作

胡一桂

繡日添漢宮書雲紀晉觀山家獨奚為剛腸占易象幽
人意欣然起坐視晴漢大化回初陽漫漫今已旦川泳
有游魚雲飛見翔鴈滯留本何心永懷發孤嘆誠哉利

攸往觀辭思過半

次韻補柳子八愚詩

元序云同郡胡君敬存賦八愚詩以補柳集之亡意

謂子厚以愚觸罪遭謫其放情丘壑雖若自得然於去鄉懷士之思殆有不能免者子則以為子厚固誠愚矣而於愚溪一序卒能大悟其愚良由得是象石以澡雪其骨襟故也因次韻以寄意云

汪炎昶

嗜幽獵竒悶身忘落天涯
光吸泛霞瀨清弄浸月陂襟

懷屢蕩滌性情漸愉怡
孱顏謝往惑晃朗還澄思

右愚溪

故丘墮蒼茫得茲賴居人
竹氛淨媚曉蘚蹟綠染春藤

蘿設野暮猿鳥卜近隣豈不愜吾愚彌使懷所親

右愚丘

撞玉鏘斷石濺珠懸穉松色資耳目淨聲辟塵土空靜

窺發竒趣飽飲生異容詎知愚所樂適與智者同

右愚泉

何以施吾愚溝泉甃苔石渦溢分冷光池呀注晴碧箕

穎計已失滄浪遠難即敢慕洗耳翁聊為濯纓客

右愚溝

愚泉我所愛規此須其來但因坳窪勢不以智巧開鷗

馴如故知魚浮了無猜感激平生懷與爾同徘徊

右愚池

海仙憐憨癡相嬉幻蓬島池懸孤影直雲增危勢好鶴

盤意欲下樹滋色難老春風慎披拂勿俾生凡草

右愚島

晨興氣澄穆池影涵幽堂泉從松下來漱齒生微香內

揣澹無得外檢倏已忘即此冥其愚樂如還故鄉

右愚堂

拂翳藤裊風灑燥松助雨幽抱逼池光妙趣味禽語愚

豈異曩日憂惟絕浮慕當有來者知泉石良可撫

右愚亭

胡敬存得古逸先生補柳集八愚詩賦寄少陵在天
不可叫唯天物色歸且羅孤燈閉門鑿混沌古硯破辭
流江河士立兩間貴不朽文者千載來方
多深知努力輕速道下乘如此追風何

書興二首

汪炎昶

時時溪上行或與幽人遇手把一編書共倚崖邊樹鷺
近始暫飛魚驚却重聚佳景不待求足熟自知處稚子
愛相隨似亦耽幽趣

興逼不暇卧躡屐鳴鷄先衰袂碧氛潤龍袂襟爽緊繁噫
餒出故氣咽甘漱新泉骨瘦易酸楚體虛覺輕便樵子
隔嶺見寧謂吾非仙手持白羽扇笑坐青崖巔

江氏德慶曰古

逸詩語苦而意深形離而神貫未能
脫山林之氣象者所處之地然也

東城

滕堞

東城有高樓，峩峩冠城闕。我來屬昏暮，見此初上月。遙
天羅江山極目，如霽雪江山秀。如此豈不生豪傑，臨風
一高歌。連曙何由歇。

新安文獻志卷五十一上

欽定四庫全書

新安文獻志卷五十一下 明 程敏政 撰

古詩五言

遊石頭城

方回

卧龍起草廬扶漢有餘忠欲結紫髯客共追黃星公一
言根本定萬里氛翳空指此為虎踞長嘯吞西風夫豈
樊吾圃以虞他人攻烏林逸元惡入蜀愴途窮汝亦趙
佗革區區帝江東吾意本謂何劔佩殊不同後來矯虔

人藉口欺盲聾九折劔閣棧一泥函關封盜賊柄干將
姦雄非英雄老我弔古癖徘徊梵王宮城壞遺甃泯江
徙孤岸穹中原芳草外戰塵春濛濛酒盡欲下山目極
斜陽紅

訪臨川楊仲權于天慶

方回

隱居何所為性懶絕造請駕言東城東恍兮異人境脩
廊寂無聲未忍殘竹影獨言味玄澹徐步入深令秋光
照虛庭拱揖冠服整中有專氣翁學道晚箕頤誠極語

謝飾幾動意潛領煮茶雜椒椒案酒漿梨棗悅神良會
稀遺物閒情水休官陶元亮避世陸修靜異代復同調
霞外茲可騁研幽挹高致探妙發遐省何言壺中心

遠塵自辟

丙音

人生如流九

方回

人生如流九冉冉不肯住草變鷓鴣鳴花零蝴蝶去去
去無奈何一飯三起步鬢綠密已稀紅顏新忽故往悔
杳莫追前瞻冥未悟破鏡忽偶圓墮甌寧足顧方池疎

雨餘歷歷見鳥度
沉吟高樹間
聊用寫心素

問田夫

劉光

清晨出柴扉
偶遇耕田夫
為問爾田間
近曾得雨無
田夫欣欣言
早勢早已蘇
昨午雲四合
一雨半日餘
高下粗沾漑
茫然藹藹翁
老夫聞此言
欣懌當何如

方虛谷曰此詩

絕好元輝學陶故於此體短篇尤佳

冬日

葉朱

寒冬飛暖雨
此固未肯晴
狂風忽伸威
日影舒微明
平

林聲怒號落葉堆空庭三兩鴈南翔嘹唳雲邊鳴幽人
抱膝吟騷屑百感生隆冬極寒泣草木傷彫零枯根與
禿榦中有春意萌丈夫暫憔悴試推造化情

贈黃山性宗上人

王儀

峩我丹砂峯攢巒秀如簇陰崖吐靈泉峭壁灑飛瀑下
有軒轅祠渠渠隱林麓雲房更蕭疎蘭芷薦芳馥別來
近十年一見慰心曲詎知當亂餘共剪西憲燭策策山
雨鳴幽幽人獨宿明發歸去來後會豈云卜

菡圃

唐元

小園僅百步花竹菡兩行垂垂結夏實蕭蕭吹晝涼
盆池曉更靜照我鬚鬢長復有青青蒲風至互低昂
人生百歲中弱草棲螢光亮無貞堅節何以禦雪霜
達人豈求名進善貴自強用世苟不能退居固其常

舊種竹數十生笋已滿園今年笋更繁
觶觶穿隣垣山童斫煙雨便欲供朝餐
獨不忍饒口保此青琅玕物微志則遠
當異今日觀平生遲暮心與爾同歲寒

種莧甲已坼苦菜行亦秀耨鋤不憚勤常恐地力瘦旦
旦望其長灌溉那敢後墻頭有蓬蒿不種而自茂此意
定如何為爾吟清晝

筠軒以所作問虛谷虛
谷讀此三詩極加嘆賞

黔山絕妙詭不忍去

唐元

輿夫老苦鈍足重肩亦頽堅坐我不忍趨走便且輕後
乘幸勿亟前有黔山迎平生所未識目駭而心驚委蛇
出異態婉婉含深情長虬挂碧落巨怪浮溟瀛冠冕或
儼立甲冑何縱橫未吟先恍恍欲畫難經營邑連壤最

沃俗美人不爭意有隱君子依阻仍深耕遺世了榮辱
避俗變姓名尋之不可見晤言誰與傾

九月二十七日元與潛夫伯初小飲市樓季文
後至酒酣慷慨懷舊情不能已

唐元

飲酒豈不佳所貴得其儔良朋既已定上我隣家樓樓
高極四望萬室如鱗稠紫陽接前榮屋西揖浮丘郭索
來數輩縱橫類戈矛復有管中魚果核亦易求清言領

道要諧謔非所投感舊屢惻愴論交重綢繆雲間有雙
鳥意氣橫九州豈同鶩與雞爭食而包羞紛紛黃落中
青山無悔尤

送秋

胡初翁

西風無時休忽忽逼秋老庭前兩蒼木衆綠不自保一
夜霜露寒翻翻覆百草寒柯竟不移古意靜愈好天機
在永貞君勿恨枯槁

問政山

洪焱相

行窮白雲塢步入青松林
飛花去人間好鳥鳴春陰黃
冠雅好客淪茗澹冲襟灑之幽蘭芬弄以清泉音懷哉
媚丹竈諒矣輕華簪當年聶仙子出處知何心徘徊揚
州鶴悵望故山岑仙遊不可問古墓蓬蒿深

寓舍偶得

洪焱相

吏卒各已休獨步風林下雨餘
堤草青亦放庭前馬隔水叫黃鸝
千山暗初夏非無可樂資孰是同情者

宋潛溪序

云新安為江東一大郡自昔多文學之士及吏部朱公兄弟以詩偈于建炎紹興間作者益盛先生之生雖後

朱公百餘年嘗及接鄉之諸老故發之於詩和而不怨
平而不激嚴而不刻雅而不凡庶幾忠厚惻怛有三百
篇之遺
意者

寄友

汪莊

覺來一帳望幽興知有期炊煙出深竹暮雨鳴清池
翩歸林翩澹澹遙山姿行吟偶成詠奉以寄所思未足
道平素聊慰別經時

題墨竹

王永年

泛泛湘水春依依渭川曲勝地不再逢於焉見叢綠碧

韋冒餘煙晴梢媚涼旭恍然碧雲中可玩不可掬人間
白日靜風定層漪淥此君信佳人悟悅何由足

病起有懷貝德堅

程文

日日倚高樓遙望西溪山山深草樹長煙雲何綿蠻中
有千歲松脩柯出雲間鳳凰翔其顛好鳥鳴啾啾仙人
紫霞裾招我碧玉環浩歌激林谷玉貌安且閑問之不
我言無乃吳綵鸞褰裳欲從之山險道路難默坐自嘆
息歲晏彫朱顏

送曹元達歸休寧兼呈汪府君

程文

曹生家多書老屋松蘿下短牆圍翠竹
窻戶極瀟灑屏間古篆隸鍾鼎雜壘學
風傳屋角花苔翳墻頭瓦開軒納空曠
西北見平野市人競錐利俗士眩虛假
那知縣城中有此幽獨者三年西湖上一
笑手重把清詩富才學浩若驚瀉瀉過
我便告歸情親意難舍山林有真樂榮
顯付土苴玄思邁墳典孤詠到風雅惟有
退密翁時

時來下馬

葛孝女廟詩

原序云撫州金谿縣民葛祐唐寶歷間開銀冶鉛絕賦不給官責其

額遂破家又不給祐無子惟二女不忍其父受拷掠之苦俱躍入冶中焚死化為銀事聞詔罷金谿銀賦邑人哀而德之祠之佛舍國初以獻利者言復興諸治而金谿以二女事得不興乃為作新廟邑士危太僕微子詩賦此

程文

天地不生寶鍾英二女人投身烈火中化為雙白銀白銀獻天子天子驚未已下詔罷銀徵父亦脫於理人言葛家禍葛女非禎祥不見金谿祠歲時鼓麗麗遂令千

載下感嘆千載上噫彼規利人乃是丈夫相雖然丈夫
相曾不如女兒珠玉徒自焚金谿有常祠

張孝子詩

元序云孝子名寶歆南世家也其父嘗遇賊劫持將殺之寶走抱父頓足

大哭曰此吾父也願殺我賊心動遂貫其父寶時僅五歲今年秋予識之鮑仲淵家為言其事

如此因賦是詩

周原誠

亂離歲已久惡類暴如虎殺人如剖瓜寧復念人父哀
哉五歲兒黃髮猶旅旅大孝忘其身大痛誰遺汝村墟
絕行人汝父無死所不有動地號燐血灑荒土汝啼非

汝聲汝聲天地心天地為慘慘汝賊空林林賊心久為
鐵至是鐵分裂平生梟獍懷黯淡動慚色刃擲父子全
歸衣笑相牽賊徒重喑喑既去還相憐如何里巷賢此
事忘流傳我為賦新詩庶用振人紀老大長兒孫有父或
弗事視彼五歲兒再拜當愧死

新婚別

吳訥

大旗東南來甲馬一千匹郎佩虎頭牌妾織龍鬚蓆懸
箭孔雀屏揚鞭復何適朝辭廣武軍暮赴河陽役河陽

有高臺莫作望鄉客
行行事良謀遠慰烽火夕

陪師西征

汪廣洋

朝發庾公樓

辛丑年秋
克九江

夕扣滕王閣

壬子年春
入豫章

長歌奮

激烈清風蕩寥廓
張帆江水秋
伐鼓關月落
予亦將遠

游明當造黃鶴

將伐湖廣故預期之
高郵人少從余闕學通詩書游寓太平

按廣洋字朝宗

乙未歲上渡江首召諸儒廣洋入見與語大悅留幕下
為元帥府令史行樞密院掾史江南行省提控丁酉除
照磨兼知諸全州事己亥置正軍都諫司擢都諫官辛
丑遷江南行省都事陞郎中甲辰立中書省改右司郎
中尋知駝騎衛指揮使司事平章常遇春下贛州命廣
洋參軍事贛州平遂命守之尋陞江西叅政洪武元年

欽定四庫全書

新安文獻志

九

大將軍徐達平山東開省治欲得庶明持重者往安輯之
以廣洋可任乃命陶安為江西參政調廣洋山東行
省至即撫納新附民庶安之冬十二月召為中書參政
明年復出為陝西參政三年丞相李善長病上以中書
無官召廣洋為左丞時楊憲以山西參政先被召入為
右丞廣洋至憲惡其位輒已每事多專決廣洋畏之不
與較憲猶不以為慊欲逐去之嗾侍御史劉炳等奏廣
洋奉母不如禮上初未之知令還高郵憲恐其復入又
教炳奏遷之海南上覺憲奸乃復召廣洋還憲坐是誅
冬十一月大封功臣廣洋封忠勤伯誥曰朕觀往古俊
傑之士能識真主於草昧之初效勞於多難之際終成
功業可謂賢知者也漢之張子房諸葛亮獨能當之朕
提師渡江入姑孰中書右丞汪廣洋同諸儒來謁就職
從征剽繁治剝屢獻忠謀驅馳多難先見之哲可方古
人今天下已定爾應封爵特加爾開國翊運守正文臣
資善大夫護軍忠勤伯食祿三百六十石於乎爾尚益

堅初志克茂忠貞訓爾子孫以先永世四年正月善長以老辭位乃拜廣洋為右丞相以叅政胡惟庸為左丞相六年正月左遷廣東行省叅政逾年召為左御史大夫十年復拜右丞相加特進榮祿大夫右柱國知軍國事上遇之特厚嘗有疾在告賜勅勞問廣洋與胡惟庸同相惟庸所為多不法久之御史中丞徐節言前誠意伯劉基遇毒死廣洋宜知狀上問廣洋廣洋對以無是事上頗聞基方病時惟庸挾醫往候因欽以毒藥乃責廣洋不能為國效忠貶居海南舟次太平復遣勅切責遂死于道廣洋善篆隸大書尤工歌詩為人寬和自守與奸同處而不能去蓋其相才不足云又按廣洋休寧旌城人遷居高郵洪武初嘗奉使婺源有祭始祖越國公廟文見甲

集第四十六卷

落日汴隄上

汪廣洋

落日汴隄上奄忽浮雲馳草樹遍原野茫茫天四垂上
有鳥嚶嚶下有塚累累世故念衰絕焉知埋者誰孤隋
昔撫運恃安忘險危乃以耳目私遂令骨肉疲骨肉日
已疲耳目日以虧平陸變滄海中途歌黍離持此鬱冲
襟涕下莫能揮

張氏白石山房

詹書

浦江有名山白石如積雪玉氣亘中天龍湫無六月于
茲隱君子結屋依翠微讀書日平樹看泉風滿衣誰謂

野鶴姿從心自飲啄一落樊籠間清夢遶巖壑豈不念
白石好鍊五色紋獻之補天子歸卧山中雲

分題送陳子山博士遊黃山 趙 沆

浮丘說詩罷丹成忽為仙荒祠託靈谷瓦缶薦寒泉紛
紜秦漢間嘉遯良獨賢大雅久不聞夫詞瀆真詮期君
發幽隱重以青瑤鐫

右浮丘祠

軒后初制作倥侗閔烝黎畫野定疆理無為異標枝荒
山有遺碣彷彿存蛟螭述得豈倚相論書陋秦斯期君

刊往牒稽首陳貞辭

右軒
轅碑

絕澗下深黑寒泉瀉巖隈中有玉蜿蜒不知何年來隱
顯與道俱泊然息風雷石林絢金碧洞府皆樓臺善保

至陽德春霖遍九垓

右白
龍潭

空巖陰方地丹泉何氤氳炎火孰張設蒸燉泛春溫
踈淪得深潤浮游灌靈根外達美陽休內融反胚渾翩然

披紫綺五色明朝暎

右硃
砂泉

巖居觀物化掩卷獨無思空洞鑄重扃闕此孔壁遺朋

來二三千窈渺強吾詩商聲出金石草樹生涼颺過門

有住客共賞雩風辭

右強
歌詞

贈唐宗魯

趙沔

驚颺振原野草樹日已踈客子懷故林哀鴻雲外呼九
土人相食煙塵暗長途骨肉一分散東甌定勾吳側身
無津梁飛夢輕重湖荆璞時未珍所貴璉與瑚棠溪古
云利百鍊不受誣憂患啓明哲艱貞奮良圖熠熠草上
螢青青澗中蒲已感秋日短復悲冬夜徂陽光燭幽昧

陰壑羣生蘇歸舟泛春濤一觴酌伍胥

汪蓉峯曰東山詩因感發而形

之詠歌雖不專乎是然
長篇短賦一字不苟

贈別程仲本舅

汪德鈞

亭臯天地秋亂葉隨風委南窻見修竹翠色正相倚幽
懷忽不愜獨念寡儔侶豈無同心親所恨不同里良晨
接清歡辭義出心髓我我孤桐意未奏已盈耳相逢幸
未晚結好昉於此別緒條已紛重來定何許歲晏霜雪
多君子慎趨履古道諒不諼相期在終始

雜賦三首

汪叡

我遊會稽嶺復登秦望山天高海濤寂日落空雲間三
山渺何許鮑腥動函關回車探禹穴千古高墳屹

有客來崑崙抱璞將何適熠熠含輝光積韞夜生白荆
舒人莫知舉世珍燕石所以魯仲尼待價靡欣感

嘉橘生南服纍纍黃金姿碧葉霜不悴貞心終自持渭
濱釣魚叟西伯夢見之西伯今寂寞野處徒傷悲

貧女鏡

鄭潛

青銅古鸞鏡翡翠光團團誤落貧女家苦為塵所漫良
冶出新製明月雙螭蟠方諸失精彩嬌娥媚膏蘭郎君
重顏色閉奩時一看古鏡坐棄擲掩輝獨長嘆豈無磨
淬工不受貧女干含精照秋水顚顚生波瀾

晝熱喜雨

鄭潛

亭午暑方劇震雷起西山涼風灑然至踈雨高齋閭庭
葉綠光潤荔枝朱實殷農耘喜且歌樵採行當還蹇予
謝邊事情在山水間明當理煙艇濯髮滄江灣

芙蓉照秋水

朱模

芙蓉照秋水靜夜何娟娟繁霜未披拂綠葉殊鮮妍植
根荆棘叢過者誰復憐我有明璫珮采采與之聯水言
力道德奔走相周旋古道日綿邈頗遭世慮牽嘯歌南
山下把酒西風前

雲山樓詩

元序云鄭天駭以萬戶侯出殿于陔
口陔口則歛睦衝要津也溯流而上

懸灘狼石九十餘里而為歛順流以下灘舒石
妥水益淵洄二百七十里許而為睦君構樓其
間山巍然高且大白雲往來勢欲飛動扁曰雲
山諸公題品浸以聯軸殆未悉君意者遭時睽

離棄家迂遠又沉鬱武官方謹守疆場讖察服
言不得引去第歌雲山蒼蒼以希濶自期殆神
交千載之上而招羊裘翁者意或在是况君與
中丞伯庸世戚其山水瑰奇之觀有自來也矣

唐桂芳

將軍構高樓巖巖向溪口好山千萬重浩浩白雲走朝
雲護蒼阿暮雲宿窻牖雲去山獨存顏色青而黝老校
插弓刀危立縛卯酉過客肅容儀目逆為之久豈無書
生狂棄繻竟不取紫髯真將軍武帳映疎柳時時上樓
頭文氣盪南斗平生陳三洲翰墨不停手為君記雲山

聲價等歐九而我強題詩兩鬢禿於帚何時許相從隣
家夜賒酒鯉魚活欲飛前灘收故笥

送湯生執中

唐桂芳

薄暮雲已收微寒雨還作居人念睽離戚戚意不樂何
時竹屋眠共看燈花落

登餘姚龍泉寺讀王荊公詩刻

姚璉

佛屋出林表盤盤躡雲級偶因一日閒頓覺百憂失秋

深氣尚清黃霧翳原隰海光素練搖山色青如濕修行
含令姿對客弄蕭瑟癡龍卧不起歲歲自盤屈爭墩復
何如愛泉亦成癖區區青苗術終古一嘆息百年幾携
手邂逅娛永日酒酣發浩歌煙霞入吟筆

漁樵興

任原

臨水事網罟入山勞斧斤日夕給妻子溫飽復何云自
慚故鄉別羈離餘幾春井邑翳桑梓江湖靄煙氛期君
舊山業時讀招隱文未能脫戎服徒爾勞空言

白槿花

舒頔

素質不自媚，開花向秋前。
澹然超羣芳，不與春爭妍。
涼夜弄清影，縞衣照嬋娟。
佳人分寂寞，零落祇自憐。
鮮鮮碧雲樹，皎皎萬玉懸。
朝開暮還落，物理乃自然。
唾彼擁腫木，徒爾全天年。

乙卯冬自陝回至中牟夜與牛車同行故題驛
亭

范再

我行中牟道，夜並牛車行。
何人問牛喘，鞭撻勢伶仃。
更

雁靴下苦犢兒隨母鳴車夫為我言我家懷慶城來此
數百里執役難具名流囚與軍裝日夜不少停黃昏伴
牛卧飯牛到天明漢月皎千里風霜淒十程牛死急應
官欲哭還吞聲白刃尚可蹈蒼天終無情我家有老父
日暮還力耕無糧可充饑無衣堪蔽形行人聞此言泣
下如雨傾我亦征途間垂老重飄零何時息干戈時康
歌太平

吳子芳楓林牧隱

黃樞

露晞春草細林遠青楓長中有沮溺徒結廬先隴傍於
焉可耕稼自牧牛與羊搢腰笛竹短挿笠山花香犢飽
夕言歸濯足澗月涼喟彼塵世人馬蹄終日忙橫眠綠
草嫩肯羨金鞍光老農願卜隣持鞭白雲鄉招我金華
仙與爾參翺翔

松蘿谷

范準

尋幽興未涯窈窕入深谷長松生晝寒香蘿蔓春綠綿
綿石上葛冉冉巖下菊樵子時相逢和歌自成曲吾將

從杖屨題詩滿青竹

北遊

吳棫

青山千里來龍奔出平野
逶迤作都城黃河走其下
借問宿遷人在昔何為者
云此生重瞳虎關天所假
自矜蓋世心坑秦霸區
夏鴻門逸真龍烏江陷
騅馬至今哀怨聲喑鳴
海中瀉

朝隨大車行暮傍大車宿
野曠秋草黃寒天四垂綠
席地卧霜月仰空若華屋
星河爛珠衾終夕為我覆
憂懷

不能寐長夜炯明燭遊子在遠鄉清吟漫成曲

植檜詩

原序云河南政府有古檜十有四株蒼翠特立有古君子之操焉其一勢日偃

側吾懼其久而益敬也乃啓其土而扶植之遂與之俱正矣噫孰謂人心之偏而不可正邪詩

之以詠

鄭桓

鬱鬱堂前檜清陰庇長廊靈根蟠厚地直榦凌穹蒼雨露相沫濡雲氣時飛揚如何一欹側衆中不成行爾性本孤直胡為若徬徨得非失培護毋乃風雨傷一朝為扶植老氣猶昂藏矯矯虬龍逸翩翩鸞鳳翔物性尚可

治人心寧自戕凌霄聳高節歲寒矢弗忘大哉棟梁具
期爾薦明堂

翩翩紫鳳雛贈方希直赴漢中教授

鄭桓

翩翩紫鳳雛羽翮備五彩徘徊千仞翔餘音散江海於
焉覽德輝濟濟鏘環佩天門何差哉羣仙久相待晨沐
晞朝陽夜息飲沆瀣如何復西飛去去秦關外岐山諒
匪遙啄食良自愛終當巢阿閣庶以鳴昭代

題徐怡顏風亭月觀

風亭月觀劉宋僕射徐湛之所作怡顏其裔孫也

俞韶美

風亭三兩間月觀百餘尺初豈事遊觀曾不費民力五
馬既南渡銅駝委荆棘正朔歸江東倔强紛漠北長淮
連青齊沃壤化疆場秉鉞司外閭歷歷著聲跡下車撫
遺民挽弓抗強敵至今元嘉政赫赫猶昨日南國召伯
棠峴山羊公石千秋復萬歲民心耿懷德

訪鄒公寨

原序云衣錦鄉郎團大坑山故棠奉御鄒公澤丞相文公天祥營寨于此

累石為寨門隘塞三層至今猶存是時二公墓
義勤王開都督行府謁旗之際天色晦暝一夕
雷去其脾額府字只留都督行三字識者知宋
之不競也未幾為元兵所獲由是北行矣

唐文鳳

險隘郎團里迢遞大坑山可憐興王地不在深谷間平
生文丞相報主一寸丹同行鄒奉御總戎石為關禡旗
召義勇朔風吹雪寒天心厭瀆亂國步遭艱難元兵威
破竹列郡無一完居然就執縛北上何當還日月雖云
徂天地應更寬安能著此憤血淚不可乾汗青忠臣傳

千載永弗刊我來訪遺迹故壘雲漫漫

草心堂為金君

玘賜

賦

吳寧

懿哉東野氏一語崇孝思允懷慈母恩撫躬日孜孜母
德比春暉寸草身相期春暉一駘蕩品彙咸熙熙寸草
雖有心欲報將安為念茲不成寐詠言以為詩金君海
寧彥有親髮如絲稽古得佳句感激情無涯揭扁固可
嘉為養須及時

安慶謁忠宣余公祠

程信

艤舟江上城永懷古才傑空祠餘斷碑摩挲檢遺烈憶
當敵運衰土地合分裂孤臣獨遑遑乃以死自決要拯
三綱頹豈徒一身潔當時賣國者何忍自汙衄我皇撫
中原嘉此累臣節廟食無窮時彝倫固長揭再拜起磅
徨江流尚嗚咽疑有忠魂遊千古應不滅

風林書屋為學士朱允升先生曾孫賦

鮑寧

雲山何迢遞石門自幽深伊昔有君子高名良足欽讀

書萬卷餘灼見千古心避世聊自樂棲遲隱巖陰會當
明主出鳳向朝陽吟阿衡起莘野傳說施甘霖功成一
朝退清風來舊林云何未百年此道難追尋賴有賢孫
子可比雙南金肯堂復肯構欣言嗣徽音嗟我本舊人
有懷未盍簪為君歌一曲視古猶視今

倣陶儲體二首

汪敬

斜光在高樹歸鳥何喧喧池月漸東上參差林影偏掃
花坐晚涼濁醪對青山清風松下來白雲巖際還心知

不可見此意誰與言

龍蛇未變化所至難測識寶劍泥土中不辨風雲色念
此出門去忽見高飛翼野人荷蓑來行行重嘆息為言
東隣士著書在幽側獨抱蒼生憂思欲獻狂直悵望君
門深躑躅忘寢食

客清溪寄蘇景元

程亨

浮雲不可繫故人常相違江漢萬古心為君增噓唏烟
樹暗南國風花摧夕暉長吟出幽壑明月流清輝潮回

東海水春老北山薇相思不相見側身鴻鴈飛

新安文獻志卷五十一下

欽定四庫全書

新安文獻志卷五十二

明 程敏政 撰

古詩七言

過吳明叟新居

汪藻

誰開大屋沉沉者門外垂楊拂車馬主人四十持節歸
高卧綠陰啼鳥下冥冥一徑傍花入忽有清池照深夏
魚吹落日知鏡淨荷受微風看珠瀉夫君少有湖海氣
欲騎長鯨無地跨故將能事驚世人坐向雲端差萬瓦

稍培幽柱出窻底時放青山來竹罇人言此興極不淺
天遣公忙那肯赦要須便作輞川圖他日思歸聊對畫

阻風雨辟邪渡寄王仲成 汪藻

渡頭急雨鳴森木木杪顛風飛大屋沒腰寒水稻生
芽滿眼青泥車折軸山行值雨舟值風窮愁日日煩天
公不如歸卧澗壑底世事一掃春花空別君兩年重此
別喜君曾次渾冰雪擬將身作賈胡留無奈事如空鳥
滅挽我不回君怒嗔交情把玩轉清新相隨百里還相

見只有西山似故人

北固懷古

程俱

阿瞞長驅壓吾壘飲馬長江投馬箠英雄祇數大耳兒
彷彿芒碭赤龍子幄中况有南陽客布衣躬耕無甌石
當時鼎足計未成聊出一奇空赤壁人隨流水去不還
卧羊頑石留空山如今留石亦煨燼山與長江相對閒

焦山

程俱

龍伯不解事投竿牽大鼉逆流直上三萬里怒卷渤澥

秋風潮適當長江入海處
巖巖擲此雙岩堯一山正臨
聲利窟來檣去檣紛舢舨
一山獨與世疎闊突據幽險
盤雲濤飛仙播蕩去不返
止有一翁身姓焦至今金玉
作山骨草木堅勁無天條
爾來寂寞幾千歲稍見遊子
來山椒吁嗟一與人境接
世故擾擾如牛毛安得夸娥
還着鼇背上因之置我三山高

秀峯遊戲效李長吉體

程俱

玉龍冲碧縈山脊
蜿蜒踏龍上穹碧
神奇鬼巧鏡高青

露壓春煙染山色舉頭便足千里遊太湖萬頃涵天白
剪霞噴霧濕青紅錦楣花礎明清空松聲拂枕破幽夢
冰輪逗滑寒瞳矐殿角連珠挂星斗透冷飛光射踈牖
古香飄桂夜陰陰雲樓報曉生銅吼推顏羈客青山人
悠悠九土飛紅塵眼前歷歷千古意琴臺不見吳宮春

題睢陽雙廟

朱松

幽陵游騎殘中原列城束手天子奔天留巨孽毒梁宋
賊壘環堞如雲屯凶波滔天不可遏塞以束薪何足論

力憑孤壙阻其怒不爾薦食無黎元堂堂許張勇且仁
指揮羸卒氣愈振上書行在論賊勢想見憤色吞妖氛
人間貧賤容力避只有一死由來均二公就此得處所
至今日月名爭新遺祠突兀岸清洛英氣凜冽橫穹昊
尚聞餘蔭福茲土天假威柄酬忠勤布衣尚懸千古淚
肉食宜鑒當年因焚香再拜三嘆息九原可作從斯人

答林康民見和梅花詩

朱松

寒崦人家碧溪尾一樹江梅卧清泚仙姿不受凡眼污

風歛天香瘴煙裏向來休沐偶無事誰從我遊二
三子
彎碕曲徑一攜手凍雀驚飛亂英萎班荆勸客小
延佇
酌酒賦詩相料理多情入骨憐風味依倚橫斜嚼
冰蘂
至今清夢挂殘月強作短歌傳素齒韻高常恨句
難稱
賴有君詩清且美天涯歲晚感鄉物歸歟何時路
千里

枕樓一笛雪漫空回首江皋淚如洗

朱文公曰皇考吏部公詩初不事雕

飾而天然秀發格韻閒暇超然有出塵之趣

用東坡武昌寒溪韻

朱擇

漫即古邑埋蒿萊五柳合抱何人栽
浯溪未作天寶頌
爽氣已壓南昌梅蘇公鄭公先後到
一時玉立高崔嵬
扁舟載酒渡江水千山軟翠昏樓臺
窪尊杯飲追太古
雲荒石老無紛埃歸來玉樹念赤壁
側身西望銀濤堆
英辭傑句相震發尚記野鳥窺空壘
只今却數未百載
蟲篆想見留巖隈中原石田多荆棘
淮北城壘生莓苔
公乎天與濟世具曷不手引梟鸞
開空遺筆力配元祐
頓覺紙上千軍推禁中頗牧知在
即號令前日頌風雷

丹青元向大羽出貂蟬要自兜鍪來數公文字雖絕勝
莫使變作離騷哀

題江國錄先生石室

陳尚文

海寧邑屋千山環幽人更愛山中山山城已遠人烟寒
江君石室深嶺岼聞君十載棲長安焉能斂翼縈巖巒
卧龍要自南陽蟠東山不為攜紅顏邇來側身天地間
不如一室中寬閒探書禹穴萬卷完養成霧豹非一斑
素琴無絃心自彈泰山高高水潺潺山中閭兮誰往還

雲無心兮抱幽闌青山白雲足為侶無心胡為戀君宇
冷君衣裳潤君礎人間歲月易今古傳說一去不可佇
蒼梧何如出飛雨不崇朝兮蘇九土

題祝生畫

朱熹

裴侯愛畫老成癖歲晚倦遊家四壁隨身只有萬疊山
秘不示人私自惜俗人教看亦不識我獨婆娑三嘆息
問君何處得此竒和壁隋珠未為敵答云衢州老祝翁
曾次自有陰陽工峙山融川取世界咳雲唾雨呼雷風

昨來邂逅衢城東定交斗酒歡無窮自言妙處容我識
為我掃此須臾中爾時聞名今識面回首十年齊掣電
裴侯已死我亦衰祇君雖老身猶健眼明骨輕髮不變
筆下江山轉蔥蒨為君多織機中練更約無事重相見

贈機仲景仁

自序云讀機仲景仁別後詩
語及詩傳綱目復用前韻

朱熹

道有默識無言傳向來誤矣空談天只今斷簡窺蠹蝕
似向追蠡看蟲旋始知古人有妙處未遽秦谷隨飛煙

終然世界苦妨奪下帷發憤那容專一心正爾思鵠至
兩手欲救驚頭燃書空且復罷咄咄屢舞豈暇陪僂僂

自注兩年罷
詩止酒故云

功名况乃身外事我馬碑兀甘回鞭解頤

果值得水井

自注謂
詩傳

鑒古亦會朝宗川

自注謂
綱目

兩公知

我不罪我便可築室分林泉十年燈下一夜話閒日共

賦春容篇

弔禰正平

原序云蜀人韓毅伯游武昌作詩弔
禰正平專詆黃祖祖不足責其言蓋

有為而發也昔孟子謂盆成括小有才而未聞
大道則足以自殺其軀正平未免坐此就東京

人物論之郭林宗徐孺子黃叔度之樊
牆正平未能窺也乃書數語述此意

王炎

曹瞞忍殺楊德祖不敢復害禰正平區區黃祖雀鼠輩
乃以嬉笑生五兵才雖可愛亦可忘人間險過羊腸地
不鋤驕氣禍之媒祖也不仁衡未智黃鶴樓前江水平
鸚鵡洲邊春草青憑君酌酒弔孤塚古來賢哲非貪生
處士一死泰山重文舉一死鴻毛輕

遊金焦二山

程卓

揚子長江天際來中流有山何壯哉深根盤礴千萬丈
寸土不受雙崔嵬金山屹據上流險四面佛屋相環回
來帆去漿別艫舳住僧過客煩追陪排空傑閣揖滄海
海山亂點浮纖埃龍潭別聳石峯巧時立野鶴慵毳毳
堂頭回首指遺像坡公印老留青煤其人已去詩向在
唱酬風月相徘徊再三瞻敬下山去縹緲又入雲濤堆
焦山一望祇十里舟師駕櫓如奔雷行行滉蕩呼吸頃
繫纜聳确登山隈山中僧少竹木古瘦根迸石穿莓苔

幽姿野態隨步出勝處往往多樓臺洪崖路轉尋瘞鶴
幾年浪打風雨摧遺銘破碎石剝落摩挲細讀心眸開
同行韻遠興未盡飛仙亭上傾樽壘酒酣我為發竒絕
底須方外求蓬萊

題祁門岳王廟

方岳

神京膏壤成戰場三精霧塞天地光
龍啼鼉笑紛披獨中分宇宙慨以慷
誰其與者淪綱常受計於人扼我吭
王心凜凜天蒼蒼以次束縛歸朝堂
自南自北諾已償

焉用鄰國為胥戕為讐報讐胡不滅至今淮塹為河隍
每觀王傳心摧傷怒髮為立膽為張皇界子邑於祁閭
聞王有像西山岡欲往從之潔予觴簡書之言不我違
今日去此何敢忘牲肥酒香時日良金戈鐵馬山茫茫

觀漁

方岳

林光漏日煙霏濕鷓鴣族立春沙碧湘竿擊水雪花飛
鷓鴣沒入春溪肥銀刀撥刺爭三窟烏兔追亡健於鶻
搜淵別藪無噍類餘勇未厭心突兀十十五五斜陽邊

聽呼名字方趨前吐魚筠籃不下咽手捧瑣碎勞爾還
嗚呼奇哉子漁子塞上將軍那得爾

送童子盧觀國試玉堂

方岳

長亭柳色鶯兒黃花事欲動春風香佩觸徑趨白玉堂
淋漓翰墨孤鳳翔黑頭相公紫微郎金貂玉魚垂兩璫
攜立螭陛穿鷓行至尊龍飛御明光催班賜見清蹕長
天顏喜動絺繡裳官花綾織雲錦章殿前拜舞籍奉常
跨馬入省繡縑綉讀書畫靜珠琅琅風日不到蓬山傍

文字零亂冰雪腸要令汗竹俱流芳子豈不見晏與揚
銅根鐵榦森秋霜萬牛挽之供棟梁

諭俗

方岳

稻壓田塍穡頭重蛟蛇糾蟠扶不動得霜欲老晴下鎌
捲野秋雲堆作隴昨日糴米如糴珠頓落半價多年無
賣刀買牛正不惡一字入官妨爾樂不如阿婆殺雞賽
田神阿翁買酒邀田隣三盃徑醉客歸去茅簷曝背溫
如春

竹溪為旌城汪伯濬賦

程介

先生溪上種脩竹呼吸溪光餐竹綠自應不用此君醫
冰雪之骨元不俗我欲相從竹溪中已辨青蒼黃篾蓬
卧聽蕭蕭搖清風一洗滿懷塵土空祇愁一夕風雷起
變化飛龍葛陂水凌雲去去固無心莫忘溪頭舞烟雨

閱浯溪集用山谷韻

趙幾

花間小閣臨清溪綠窻坐閱三五碑

謂浯溪唐臺岵亭也

恍如登

高俯絕壑倚杖松陰挽兔絲幽尋勝賞客思奇一聲欬

乃誰家兒

三吾碑後
有歎乃歌

浯溪暎帶湘東西碧山曾看漫郎

棲銀鈎玉筋苔蘚古神剡天畫非人為憶昔儲皇披輿

圖白衣山人稱帝師汾營老將智勇俱陰霾四塞天戈

揮至今老石勵庸懦野水亦解扶顛危

唐臺碑云石二
十餘丈泛泛若

在水後來弔古者為誰涪翁清響車攻詩當時寡和孤

白雪我故欲尾春風辭恨不插羽西南飛山前更著小

艇隨夜闌忽夢訪遺址月色慘淡猿聲悲

劉後村云趙
君歌行中悲

憤慨憶苦硬老辣
者乃似盧仝劉义

送硯與吳元真廣文

俞君選

插天萬仞芙蓉峯茫茫積翠連青空中有千年蒼玉骨
山竒水怪秀所鍾斷崖絕壁不可到虎豹守護烟蘿封
一朝良工奪天造雲斤月斧磨玲瓏踏天下割碧雲髓
往往霹靂驚蛇龍冰蠶吐絲織新就羅文光瑩浮青銅
人間何處用此物造化欲付文章公先生早晚運椽筆
判花視草蓬萊官手揮五色補天漏放開白日消陰虹
坐令萬物無疵癘盡從筆底生春風此時濃墨書大字

正須巨石相追從願公收拾此至寶相伴他年叅化工

嘲賈似道

汪宗臣

賈秋壑魏公爵台州鬼

俗呼台州人為台鬼

揚州鶴氣盈色驕逞

才畧欺天周人無愧怍惟惺不能籌金湯弗能作費盡

世間鐵鑄此一大錯

唐未羅紹威云聚六州鐵鑄此大錯

關子形模賈字

同

關子上印文與賈字相同

生兒德祐紀元中甚慚嬰杵

程嬰杵曰

心莽

卓

王莽董卓

十可斬書

方在谷奏其罪十可斬

真諤諤鑼聲三下東江

頭

太平江鑑三下諸軍解散

鐵鞭一揮南海角

後貶廣南途中受押者鐵鞭而死

假

賈偽魏至於斯嗚呼似道道奚若宋亡感激忠義多遺

臭如君臬獍惡

臬食父
獍食母

畫猿

猿叫驛在施州
以多猿而名

孫嵩

客子平生三峽遊青猿樹樹懸高秋歸來落筆成天趣
中傳蜀月已雲意如何猿叫驛邊時只欠行人唱竹枝

戲嘲二子

孫嵩

攻為樂府作吟盡樂府題不曉張籍與王建筆端欲攬
風淒淒大半閑愁生浪語十九他人無與汝擊轅撫缶

何如聲奈此瀾翻兩吻鳴

曉行遇獵

孫巖

搜山炬火縱橫飛百獸猝起驚且馳出明入暗眼光亂
強者或脫弱者悲兒郎洶洶山精匿殺氣隨風撼松櫟
宋捉韓獪不盡縱蠶索騰陵求赴敵清霜屢降草莽衰
相與即禽真汝時跳坡慕澗殊未已扶桑東面推紅曦
大稍將軍山下住摧頽畧記銜枚路觀汝角逐心悠悠
風象旌旆何時休

觀漁行

孫巖

霜降平湖鑑羣象中有黃魚幾一丈漁師早已中豪家
今旦連舟布新網東西南北三重圍圍形漸縮如小池
孟獲身窮呂布窘尚許性命延斯須舊與鱒魴同出入
何暇悲憐禍相及日斜瘡甚上平沙兩岸居人如堵立
渺渺腥風吹水雲賣魚沽酒賽湖神醉來預唱江南春

相士俞方塘

江愷

方塘之鑑形可識方諸之鑑心始得相形何如更論心

以貌取人當有失君不見虞皇項籍兩重瞳成湯曹交
皆九尺

暑夜聞松聲

汪炎昶

老松葉間風所藏露氣引風風正強吹雲去作何處雨
餘力猶能為此涼來從月裏覺愈爽助以溪聲聽更長
椎牀撫几喜欲絕赤日杲杲升扶桑

韓蘄王湖上騎驢圖為王孫葉葉賦

方回

取日虞淵戰臨平鼓起金山麾伏兵既不畫此背嵬軍
陣形國容貂蟬佩葱珩軍容金甲馬朱纓又不畫此生
面真儀刑昔王不肯專樞庭清涼居士以自名散遣萬
騎還屯營獨控長耳遊林垆林間坐石樵叟爭不無醉
尉呵夜行孰識朱門抗旄旌王孫妙年萬事輕欲蹈箕
穎遺浮榮龔侯淡墨勝丹青作此灞橋風雪征龍變不
測人中英諦觀豈是寒書生丈夫出處吾能評不可長
劍即短檠得時用世身名亨否哉履道幽人貞葉葉用

意何崢嶸大司馬侃孫淵明

過五嶺短歌五首

方回

平生所聞芙蓉嶺上如攀天下入井老乃來遊殊不然
褰裳頃刻升絕頂南踰大庾鷓鴣啼北度居庸朔風冷
客行到此例淒酸我已恍惚夢中景視險如夷兮要深
省君不見芙蓉一嶺今已過我但慢行君奈何

右芙蓉嶺

千鈞巨石百十萬亂峙橫堆塞山澗故令流水作嗚咽
行人厭聞猶喜矚芙蓉非花鏡非鏡無可充君耳目玩

第一嶺望二三嶺蜿蜒似作長蛇緩努力向前兮不須

嘆君不見老夫足跟半天下臨危豈是趨趨者

右對鏡嶺

客謂老夫今老矣胡為尚落空山裏千艱萬難百不平

上嶺下嶺不自已此嶺第三末為險獸心之人險於此

乾坤一紀戰旗紅偶脫亂離身不死流可無行兮坎即

止君不見羊化為石鬪即休兩角蝸爭何所求

右羊鬪嶺

第四嶺頭分兩邑相背無情水流急浙河東下彭蠡西

到海終須合為一海東聞有沃焦石萬國之水不供吸

世故人心千百歧有生必死終無跡焉用皇皇兮仍汲
汲君不見塔嶺之塔焉在哉不如酒傾金壘

右塔嶺

混沌何年分宇宙天地日月常如舊如舊之中却常新
一點何曾受塵垢誰鑿此山為捷徑爭利奔名足馳驟
新嶺終無可舊時燠不加肥寒不瘦行人自無兮百年
壽君不見嶺頭日日吹征塵剩有新人無舊人

右新嶺

溫公墓碑老杏園詩

原序云司馬文正公之墓也物命蘇文忠公為文表

其墓至尊親書其額曰清忠粹德之碑未幾仆於羣儉之口嗚呼邦國殄瘁固基於紹聖哉而

斷碑之鏤隨有杏生焉盤屈蓋偃擁其龜趺若
非偶然者金皇統間夏邑王令及墓僧建嗣修
復老杏迄今二百餘年矣而無恙白雲翁家與
之隣益用封植繪而為圖皇慶之元翁以平章
政事預國論議留京師乃出是圖及修
復之碑以視廣平程某序之遂為詩曰

程文海

吾聞精誠可以貫金石誰謂草木真無情君看穹龜涑
水上老杏布濩數百齡風枝雨葉擁幢蓋陰森若有神
物憑涑水先生三代士青春行天和且平問學深探古
人蹟德化直與元氣并蘇公雄文照四海比較當世誰

重輕豐碑俯仰謾興廢百仆不奪二老名由來宋祠圮
中葉已在紹聖非崇寧夏臺大夫獨好事異國肯與扶
顛傾古祠香火今幾載大字深刻羅軒屏何人卜居占
此土白雲老子今疑丞摩挲往事起惆悵表顯更為圖
丹青乃知天地崇至誠陳根斷石猶寵靈此心豈有古
今異遺跡試向天人徵

送王義父還黃陂重建河南書院

程文海

少年匹馬遊淮浦雙鳳亭前憶同譜黃陂老尉有佳兒
伊洛沈洋接東魯黃州精舍久寂寥河南故號無今古
江漢奔渾想源委宇宙塞開見規矩惟有中書白雲老
幾度扁舟為凝竚思賢撫跡意無極忼慨伊誰闢榛莽
郡人好事王義父手擲千金如糞土去年赴調來京師
邂逅乃與中書語願公早歸白雲下看我崢嶸抗新宇
我有良田二百畝永與諸生共勤苦京師聞者皆嘆息
磊落新篇慰羈旅期君努力成此志坐為江山發矇聵

文光夜插翼軫寒聖道春融天地溥待君業就當識之
盛事十年照淮楚

送鄭子美入黃山讀書

王儀

三十六峯天下無雲彩磨刷煙花敷靈秀中蓄物產殊
青琳瑤碧紅珊瑚丹泉陰湧崖不枯一浴能已瘍疥膚
異人間見仙佛徒或傳笙鶴來天都所未見者當代儒
鄭子特立奇丈夫山英馳移風掃迹文豹夾轂菟前驅
兼乘載書從以奴入山期作三年劬出山致用禪唐虞

夫豈慕彼山澤癯嗟爾陋學守一隅決策用舍差智愚
謂已校槍賢聖迂非子傑出牢鍵樞頽波徹底歸淪鋪
古人凜凜開前模匡廬長白道不孤明年尋子鞭瘦驢
荒蹊絕澗窮縈紆子長眉青我白鬚點頭談道相攜扶
好事畫入黃山圖

長歌贈王子敬

王儀

君不見三尺利劍冠差我儒服擾擾何其多豈知東方
有一士芙蓉為佩衣薜蘿又不見珠襪翠翹顏玉嫫不

刺繡文長倚戶豈知空谷有佳人三角髻鬢羞粉污東
方之士天與窮獨立四海心無同空谷佳人命尤薄淒
風吹破秋雲幕平生相聞不相見九度寄書青鳥倦偶
然會合向空中却似雲開覩天面蒼龍為駕青蜺旗綠
鳳驂舞前長離回眸電掣手一萬里奄忽上下東西馳自
古畸人多晦跡只處人羣人不識長歌送子山悄然歷
亂春愁芳草積

送張子經遊吳宛陵并寄仲退郡博

王儀

吳中勝賞幽探遍歸來音雜吳音半翻囊神怪驚倒人
截得赤烏龍一段東遊三十六峯東宛溪春水流青銅
草生太白醉眠處山列謝公窻影中江湖廟廊誰在許
白髮故人應識汝遙知燕坐書滿牀雞下五更連夜語
敬亭山與浮雲齊諸賢日日窮攀躋抽琴試聽綠水曲黃
鸝書寂青猿啼

先生命題追和古栢行

許古清

夔府羈懷悲病栢更尋廟栢摩牲石惠陵遺恨國三分
丞相英姿身八尺伊人雖往寸心在大義未伸千載惜
月暗叢祠鬼火青霜寒蘚樹龍鱗白巴江滔滔日夜東
荆榛蕭瑟永安宮虎蛇行陣頑不動魚水際會俱成空
老皮暗泣英雄雨香葉尚鼓旌旗風乃知扶持殆天意
未必呵護勤神功侯生合作明堂棟侯沒猶為雪山重
魏宮晉殿總銷沈楚舞巴歌代迎送悠悠華表愁歸鶴
黯黯蒼梧棲老鳳猶恐風霆撼石根卧龍奮起當天用

吟社司盟黎芳洲廷瑞批云和者百餘人此卷韻妥意貫結語亦奇殊不易得

憲使聞蛩有作邀賦

唐元

蛩吟蛩吟促機杼念爾愁牽千萬緒如何也遣達官聞
月影郵亭自來去啾啾唧唧草根多幾家機杼空長梭短
襦不掩脛骨冷瘡土禾低饑奈何皇華使者行原隰斟酌
民情寬賦籍感時撫物一凄然豈比寒生操翰墨蛩吟
雖小入幽風曾識東山赤烏公直須制禮扶明主明朝
且聽隨車雨

次韻黃總管十一月望月蝕 唐 元

天門虎豹猛莫當二十八宿森其傍妖墓輪囷怒腰強
敢負膽氣吞蟾光山城霜冷夜未央高人起視懷感傷
月中老桂千丈長古人老矣遙相望吳剛斫桂月窟藏
曷不斧彼妖墓亡天人受職鳴琳琅樞機萬象分低昂
誅墓投畀無何鄉專車骨粉令風揚月行九道邦家昌
天育不復求醫王

臨平書懷時汪謙甫同舟入杭秋試

唐元

臨平寺前煙水昏
鐘聲隱隱搖山門
篙師繫纜古松下
坐對月色波中翻
年光盡付旅瑣瑣
西風微動菰蒲根
居人燈火自喧雜
稍憶學語吾家孫
秋田已獲粳米白
浮蛆老甕山妻溫
一錢不直客氈冷
出門大類三家村
平生心友喜在眼
襟期稍許中宵論
誰憐老氣尚耿耿
跛鼈強逐南溟鯤

寄周師李

許飛

仙人昔著宮錦袍乘月夜泛金陵舸仙人一去何寂寞
三百年來無此樂黃樓月明披羽衣遊人吹笛樓前歸
解鞍共醉明月下此樂近來誰繼者冲山涼月夜來新
肺肝冰雪秋無塵先生短衣帶席帽踏歌童子前村道
前村道傍行人稀前村竹樹燈火微過門期見周公子
乘興直來興盡已先生本是高陽徒夜深猛飲何處酤
直欲一吸西江無

行客吟

汪莊

行客夜投尚元館殘雪半消石橋斷寒驢載客二更歸
夢不到家寒夜短落月在地人已行帶月來往聞車聲

贈程剛中

王永年

剛中信多竒吹簫更清絕有時來往踞山中宵宵清聲
雲外發山人不識共觀之何許神仙弄明月蒼龍出海
吟寒雲紫鳳凌風下丹闕君家博士真可人十年結屋
松花春請君夜半發逸響妙語灑灑開天真我生所嗜
尤竒僻塞耳不聞箏與笛興來開卷為君歌繞屋松篁

撼金石人生浩蕩誰能識美人欲望終無極何時攜酒
弔蘇仙赤壁磯頭翫秋色

題洪舜民詩卷

程文

洪生生長黃山下日日見山如見畫笑拈秃筆點蒼茫
老樹孤煙入平野人言洪生匪師授妙趣神機天所假
前身羊祜曾識環不是詩人須畫者衆中爭傳一二紙
已覺黃金未當價如何作吏廢此事破帽紅塵面如赭
古來意欲不求似誤點成蠅亦堪唵炎天梅蘂雪中蕉

牝牡驪黃定非馬我家山房最幽絕脩竹當門花覆瓦
果能弄筆起清風十幅鸞溪待君寫

題齊叔良飲馬圖

程文

昔年飲馬長城窟白草翻風皂鵬沒健兒十歲手足鮮
騰上雕鞍橫馳突祇今馬長骨亦高健兒束髮頰上毛
猶得朱衣為廐吏木盆盛水慰前勞

耕讀堂為鮑伯原賦

張文在

我家藏書數千卷頭白讀之猶未徧况無負郭二頃田

夜半飯牛歌參禪西隣老翁家更貧鋤頭犁耙隨秋春
常恨半行不曾讀欲記姓名須倩人二者天公不輕予
自昔幾人兼得取有書可讀又躬耕谷口南陽才比數
鮑君風神秀紫髯多田也復多牙籤高堂榜之以耕讀
寤寐千載師陶潛陶公心事義皇上歸來但喜桑麻長
周王傳與山海經懷此良辰伴孤往黃山崔嵬有佳氣
鮑君長保山林味莫學挂書牛角帶經鋤祇為一朝資
富貴

破紅巾

吳訥

君不見蘄黃兒紛紛白馬張紅旗去年陷湖北今年陷
淮西遂令深山之民皆帶甲四海瀕洞含瘡痍堆金積
玉亦何有畧地攻城徒爾為又不見黃連寨左帶溪山
右淮海天兵如日照雪霜百萬紅巾一朝敗親王按劍
定中原丞相分兵救吳會邊人不識韓將軍極口爭誇
鐵元帥八座東開昱嶺關羣偷欲度愁躋攀奇兵間道
絕歸路可憐白骨高如山桂林老臣再徵起坐鎮西垣

幾千里昨聞餘黨犯其鋒血作龍沙半江水南方猺獠
勇莫當自謂效義收斬黃賊徒一見驚喪膽堅壁不出
知天亡諸君力盡在此舉巢穴不平鼠為虎相期麟閣

畫丹青却憶虞廷舞干羽

揚鐵崖曰克敏謁子七者睿
出其所為詩子奇其人適垣

府相臣招致名士講及三闕之事克敏慨然有奪楫中
流之志未幾遂統士會諸軍於昱闕子聞而益奇之其
才勇忠義實得於天性則知
嚮所為詩皆華國之餘耳

贈邵思善

吳訥

有客有客青門生六月訪我新安城手把溪藤白如雪

坐石看山苦炎熱揮毫戲寫兩株松滿坐颯颯生秋風
高枝屈曲古釵碧老樹剝落莓苔蝕寒霧斜披虎豹毛
元氣淋漓神鬼號下有山童相對語赤脚披簑立煙雨
丹青自昔稱郭熙筆力似欲爭絕竒嗟哉此松澗之曲
知子一見神意足于今豈無梁棟材未遇匠石吁可哀

黃山採藥圖為汪山人賦

童中州序
朱大同畫

方誠甫

汪翁黃山人酷愛黃山好結廬自昔依黃山慣向黃山

事幽討昨夜東風吹雨晴連峯曉張雲錦屏石林旭日靜
掩映茆屋踈煙深杳冥開門見山動山癖急理平生上山
屐薜蘿衣裳烏角巾遠觸林巒蒼翠滴小橋細路彎復磴
抱琴童子長相隨松間或共木客語石上每與仙人期擷
芳掇秀滿筐得山鬼驚呼猿鶴戚寸長九節菖蒲青斗大
十年茯苓赤歸來月色澹庭戶細搗玄霜聲杵杵傾觴對
月樂未央富貴浮雲奚足數何人好事寫作圖使我展翫
增嗟呼投簪便欲歸華嶽未必黃山獨可居

奉簡樵水黃先生

詹書

黃鵠山頭雲滿樹黃鵠山下風生渚
高人獨立天地間
手把幽蘭灑春雨憶昔天門金榜開
談王說霸稱奇才
清名倏忽響中外迅雷海上隨潮來
奎壁文光射箕尾
照耀衡湘數千里笑騎曉月拂天星
散落明珠滿秋水
天風吹作簫韶聲五色雲中鳳孤起
鳳兮鳳兮雲漢章
豈弟君子不可忘我欲薦之太古雪
酌以玄酒梅花傍

送夏通守考績

詹書

大別山前十載前夏君與我居相連夜衝風雨岳陽去
歲寒共被同官船將軍不受徵賢檄怒氣如雲劍光赤
與君脫却虎口還呼酒江樓喜何極一朝君往吳芮城
我留江漢多離情乃翁相對頭總白向我涕泗時縱橫
老天垂顧復相見祿養盱江遂君願人間萬事一枰棋
歲月驚心去如電棠陰有政瓜有期天光下照朝龍墀
銓曹已揮上考筆徹民再立遺思碑長干橋下潮水長
梅雨蒲風未晴朗嗟予老矣最難別愛爾玉鏡懸秋爽

黃堂佐郡如昔時得戲綵衣歌壽祺應念老翁懷故里
廬山西南多紫芝

訪弟長沙霍元瞻雪夜為作秋山圖

詹書

我愛霍元瞻清標如玉雪蒼松立石崖白鶴鳴海月瘦
馬衝寒冰在鬚日暮去訪元瞻居高堂中夜燒長燭為
我寫出秋山圖墨池水凍筆如槩使我見之喜且愕雲
氣忽從衡嶽來雨聲似向瀟湘落二客蘭舟泊遠沙一

箇茅亭在陰窻感君厚意不可量我欲酬爾明珠璫賈
傳祠前相別去挂在鵠山青草堂

古箭渡夜談贈金元忠

趙沔

相逢歲晚詩更誦燔盡枯槎談愈縱短茨低覆結冰花
寒壓溪雲不成夢竹帛煙消黔首愚紫芝一曲老商於
坑外竟逃真學士浮丘雅頌濟南書

楊行密疑塚

趙沔

荒郊石羊眠不起枯塚累累各相似海陵克骨無人收

豈有兒孫來擘紙幾堆空土效曹瞞百戰江南帝徐李
龍山突兀表忠祠至今老父思錢氏

讀阮嗣宗詩

趙 沆

明月照北林孤鴻有哀音攬衣起坐彈鳴琴憂思徘徊
獨傷心可憐堂上生荆杞空自繁華粲桃李種瓜寂寞
青門外采薇悵望西山趾芒碭雲歸大澤空後五百歲
無英雄途窮慟哭誰知者沈湎狂言元自公

贈呂仲善之北平搜訪遺事 趙 沆

龍庭返騎如飛煙真人端拱收中原北平圖籍載連舸
挂一漏萬無完篇星芒夜見躔奎宿山川千載還清淑
國書不使外廷傳翰林青簡空如玉監殷監夏思前車
詔起羣儒當疾書皇家制作貴傳信未許太史徵無且
舊事遺文更搜訪典籍幽燕藉君往五車上送見書成
一代興亡如指掌

題道士張湛然彈琴詩卷

汪克寬

嶧山白桐千年枝金星爛爛蛇蚶皮文光七軫水蒼玉

冰絃細繞吳蠶絲丹山雲暖鳳凰語露草寒蛩訴秋雨
娥英泣灑湖筠斑遷客相逢話羈旅翠巖懸瀑鏘瓊瑤
春霆霹靂轟層霄瞥波細鱗遊蕩漾擘空輕絮飛飄颻
仙林唳鶴驚離別老龍湫底吟寒月海門送上子胥潮
澎湃奔騰捲晴雪羽人瀟灑顏如仙馮虛來徃黃山顛
古音淨洗箏笛耳何須更濯丹砂泉

濠梁行奉制賦送太師韓國公還鄉

汪叡

龍飛濠梁起淮甸肇基金陵酣百戰誅陳夷張安東南
北定中原疾如電秉旄仗鉞清朔方拱手垂衣正南面
泰山若礪海涵天黃河如帶江澄練聲威遠布銷兵戎
海隅西極咸趨風不用漢兵三十萬大宛馬萃天閑中
聖皇文德被海宇天產英傑開勲庸中山開平奮武烈
內輔太師韓國公太師始由刀筆舉羣雄紛爭識真主
麾之不去情愈親日獻訐謨闢丕緒不矜不伐仁者心
克儉克勤前哲矩平生讐怨那報酬諸將勞能誰毀譽

百司庶務無稽留剴繁治剴還優游聖皇推誠重委託
太師悉力宣王休漢比蕭曹豈異績唐棨房杜稱嘉猷
光輔功成請身退錫爵頌養先公侯白髮朝天喜強健
彤庭從容頻錫宴一朝鄉里錦衣榮千載勲名青史見
太師恭慎人罕侔聖皇顯佑誰能先舊基甲第新凌雲
內府金錢表深眷明庭盛典須詠歌漫從館閣徵文獻

玄石行為貢尚書賦

鄭潛

尚書階前有玄石流落江湖舊曾識當時從者惜餘貲

今日移來乃神力初看尚爾混泥沙熟視灑然供拂拭
黑雲風斷湧峨眉紫氣霞開見靈壁終朝靜坐無磷緇
扣之則應聲相隨梅花點點上烏几柳絲綿綿紫硯池
湘沙驚落孤鴈鶩東海躍出生蛟螭千年誰鑿混沌竅
半夜誤擊珊瑚枝人生遇合還如是尚書感慨親留記
姱容麗質豈高人錯節蟠根知利器坡仙空作仇池夢
愚翁信遂移山志為公歌此玄石行颯颯霜風動寒翠

和吳生

維新

唐桂芳

老來懶吐驚人語
水落寒天露沙渚
蚤年枉費餽功
謾把紅花槐青藥
后山景慕雙井黃
平生袖有知見香
而今吾道付絃絕
可憐歲月空茫茫
庭前葉響雨三尺
枯樹蕭蕭含凍濕
忽傳新句落蠻箋
使我起坐三太息
要知曾次空中樓
八風不礙橫江秋
紛紛英雄起南北
每為咄咄生閑愁
昨夜如盤月未落
街頭美酒堪作樂
何須苦羨返舟人
如此敲門亦不惡

朱大同曰唐仲實
詩清新流麗格律

高古

見鄉人程大

任原

少年策馬辭鄉邑，落魄天涯幾秋色。三山昨遇故鄉人，
不見姓名應不識。布衣拂却江海塵，相看感嘆念情親。
青春作客無遠近，白髮從軍多苦辛。以茲失路誰相顧，
我向東留子南去歸。夢不離滄海雲邊愁，遠絳青楓樹。
楓樹家林隔海天，百年聚散一茫然。簪纓故舊應誰在，
萍梗江湖祇自憐。臨歧執袂思傾倒，明朝又別關山道。
心隨斷鴈向斜陽，愁對離憂醉芳草。

虛舟王公稱曰本
立白首從戎故辭

詞多
悲苦

思傑孫兄製擇冠見惠聞有作詩來者無不與
因謝之而再有請也

黃樞

孫郎不惜湘竹春霜刀剪雪仍裁筠鍼紉火捺自常巧
作冠專贈能詩人清風儵然入我鬢制度簡古無纖塵
斑斑輕纜掩鶴髮肅肅冷欲生龍鱗佳名千載說劉氏
陋彼聚鷗災其身烏紗白紵雅相稱欲報愧乏瓊瑤珍
南薰長養萬竿玉掇拾錦祿盈筐新敬予改造煩妙手

絕纓一笑儒生貧

題黃石汪茂卿溪山小隱卷 朱同

漸江天際來如絲逶迤下繞孫王祠兩岸青山如走馬
勢與江水俱馳下踈煙遠近見村墟茅屋竹籬皆入畫
汪君家居溪上村雲煙水石供晨昏田園歲入了官賦
足跡不到王侯門溪魚入市充盤飧啄黍有雞穿有豚
論文痛飲醉方已高朋滿座無空尊秋風蕭蕭歲云暮
奔走誰能免公務乾坤如許恨身多何況持家立門戶

寫畫題詩良獨苦夢魂想像無由睹我欲作詩奉明主
直挽高風返淳古四海蒼生各安堵

無脚雞

山行見田家伏雌無脚鼓翼而行詢
之晨北也戒其家烹之賦此紀異

范準

羣雞唱罷山月落一雞裁冠却無脚
膈膈膊膊轉雌聲
乃與雄雞相對鳴有翎飛不高無足胡能行
徒為北晨
禍家庭羽毛之孽何由生氣淫運乖非祥禎
德輝之鳥
翔千仞安肯下食共爾相喧爭

秦銷兵

呂旭

掃平六國嬴秦強盡以四海為封疆焚書欲止世俗議
銷兵誓使英雄藏刻嚴法令銷兵器青萍結綠無逃避
不知世有刃金刀光芒未露全鋒銳咸陽官火三月紅
刃金躍冶初陶鎔神器於斯百煉就智勇忠義為鐔鋒
當時三傑與磨拭不嗜殺人天下一項籍才能敵萬人
摧鋒却向烏江泣秦知銷兵致太平不施仁政蘇蒼生
但持法律酷刑戮反使黔黎知用兵鮑魚腥祖龍死

兵戈又向蕭牆起千年帝業付炎劉十二金人夕陽裏

挽余廷心

余鏞

陰靈夜吞小衛嶽天柱峯摧將星落俄驚赤幟環城郭
坐見蒼生犯鋒鏑將軍急呼父老言食君祿厚居城專
吾當力戰死報國爾輩何計能生全壯士聞言皆感泣
願輔將軍雪忠臆大江浪湧風鳴悲白日光磨天動色
開門突陣憤莫當熊跑虎躩敢敵強三軍命遂鼓聲絕
千里血染春風香將軍當代文章伯力挽乾坤寸心赤

當時閭闔排青雲今日污泥見竒壁手書大節思殺身
片言效死數萬人嗚呼天下真將軍睢陽遺廟同千春
家叔東湖詩集庚子春毀于劫火傷悼記之

汪士弘

東湖逸韻諧康樂妙句何嘗假雕斲清波曉日出芙蓉
華嶽秋風送鷓鴣搜竒下瞰馮夷淵明月照夜驪珠圓
邇來變亂凡幾載傷今感昔逾千篇神物豈嗔譏諷切
六丁下取雷電裂秦坑滿地禍正深楚燎蟠空漢為竭

吾翁此際神愈怡，膏藏兵甲知者稀。七縱七擒有遊刃，
百發百中無停機。時出青藜照夜白，詩瓢又泛浮鱗碧。
我嘗撫卷悼遺珠，公獨慊然不自惜。況今世事紛吹毛，
不平志氣猶雄豪。蜃樓噓市勢岌業，蝸角野戰聲嗷嘈。
杜陵已遠坡仙死，千古吟魂呼不起。不將佳句振顏波，
他日何從採詩史。

金陵送別卷

吳收

新秋雨過生微涼，金風飄飄吹客裳。遠遊客子家曹縣，

有妹多年不相見東平侍郎是妹家千里尋訪來京華
昔日青春今白髮諸甥長大階前列畫堂綺席羅酒漿
玉盤鮮鱠堆瓊霜恍然相對如夢寐歡若更生見真意
相逢幾何又相別忍聽祖帳歌聲發分手沙頭還故鄉
離情浩浩江波長

題李營丘枯木圖

唐文鳳

營丘枯木天下無筆端造化何榮枯想當磅礴欲畫際
天為助興神為驅鄧林已化防風骨滄海乍出珊瑚株

良材何異徂徠產大用不值明堂需自憐形質赦斤斧
豈嘆新爨供樵蘇萬牛回首力未許獨匠指顧心難圖
空遺偃蹇蔽村野白石鑿鑿泉鳴鳴枯梢似挂瘦蛇影
亂葉恍茁乖龍鬚我生本是山澤叟隱居林樾同凡夫
昂霄聳壑日在望號雨呼風時與俱只今廊廟重締構
楸楠杞梓當貯儲按圖工師倘所取意營目盼增嗟吁
池陽種田歌贈撫州仰千戶程亨

甲兵洗淨西江壩荷鋤來種池陽田
轅門楊柳春寂寂

照野禾黍秋芊芊細糧早送輸官船無事三軍同晏眠
閒向湖邊牧征馬收穫已竟牛羊下功高早龍千戶侯
豈是尋常種田者晨煙吹起笛聲清依稀風景臨川城
朝窮東阡暮南畝一卷兵書不離手兵農起伏應時明
古來將帥君知否君知否金印腰間大如斗